

Ilulissat kangerluata UNESCO-miittortaata angissusaata pitsaaqutai ajoqutaalu pillugit Naalakkersuisut UKA2022-mut saqqummiussassamik nassuiaasioqqullugit peqquneqarnissaanut Inatsisartut aalajangiiffigisassaattut siunnersuut.

(Inatsisartunut ilaasortaq Aqqalu C. Jerimiassen, Atassut).

Akissuteqaat

(Nunalerinermut, Imminut Pilersornermut, Nukissiutitut Avatangiisinullu Naalakkersuisoq)

Aappassaaneerneqarnera

Naalakkersuisut sinnerlugit Eqqissimatitsinermut Avatangiisinullu Ataatsimiititaliaq peqqissaartumik suliaqarneranut qutsavigaara. Ataatsimiititaliap isumaqatigiittup allannguutissatut siunnersuutip akuerineqarnissaa inassutigimmagu, Naalakkersuisut tamanna neriulluarnartutut isigaat.

2023-mi Upernaakkut ataatsimiinnissamut nassuiaammik suliaqarnissaq Naalakkersuisut allannguutissatut siunnersuutaanni siunnerfigineqarpoq. Aappassaaneerneqarnissaa 2021-mi Ukiaanerani ataatsimiinnermiit 2022-mi Upernaakkut ataatsimiinnissamut kinguartinneqarsimammat, UPA2023-miit UKA2023-mut piffissamut killigititap taamaaqataanik allanngortinnissaa pisariaqartinneqarpoq.

Taamaattumik allannguutissatut siunnersuut ima nutarterlugu akuerineqassasoq Naalakkersuisut inassutigaaat.

Ilulissat Kangiani UNESCO-qarfimmi iluaqutissartaasut annertusitinnissaanut aammalu ajoqutissartaasut annikillisinnissaannut periarfissat pillugit nassuiaammik UKA2023-mut suliaqarnissamik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.